

ऋग्वेद संहिता

| अथ प्रथमं मण्डलम् |

| अथ प्रथमोऽष्टकः |

(प्रथमोऽध्यायः ॥ वर्गाः 1-37)

(9)	1	(म.1, अनु.1)
ऋषिः मधुच्छन्दाः वैश्वामित्रः	छन्दः गायत्री	देवता अग्निः

ॐ अग्निमीळे पुरोहितं यज्ञस्य देवमृत्विजम् । होतारं रत्नधातमम् ॥ 1 ॥
अग्निः पूर्वेभिर्ऋषिभिरीड्यो नूतनैरुत । स देवाँ एह वक्षति ॥ 2 ॥
अग्निना रयिमश्नवत्पोषमेव दिवेदिवे । यशसं वीरवत्तमम् ॥ 3 ॥
अग्ने यं यज्ञमध्वरं विश्वतः परिभूरसि । स इद्वेषु गच्छति ॥ 4 ॥
अग्निर्होता कविक्रतुः सत्यश्चित्रश्रवस्तमः । देवो देवेभिरा गमत् ॥ 5 ॥
यदुङ्ग दाशुषे त्वमग्रै भद्रं करिष्यसि । तवेत्तत्सत्यमङ्गिरः ॥ 6 ॥
उप त्वाग्ने दिवेदिवे दोषावस्तर्धिया वयम् । नमो भरन्त एमसि ॥ 7 ॥
राजन्तमध्वराणां गोपामृतस्य दीदिविम् । वर्धमानं स्वे दमे ॥ 8 ॥
स नः पितेव सूनवेऽग्रे सूपायनो भव । सचस्वा नः स्वस्तये ॥ 9 ॥

(9)	2	(म.1, अनु.1)
ऋषिः मधुच्छन्दाः वैश्वामित्रः	छन्दः गायत्री	देवता वायुः 1-3, इन्द्रवायू 4-6, मित्रावरुणौ 7-9

वाय्वा याहि दर्शतेमे सोमा अरंकृताः । तेषां पाहि श्रुधी हवम् ॥ 1 ॥
वायं उक्थेभिर्जरन्ते त्वामच्छा जरितारः । सुतसोमा अहर्विदः ॥ 2 ॥
वायो तव प्रपृञ्चती धेना जिगाति दाशुषे । उरुची सोमपीतये ॥ 3 ॥
इन्द्रवायू इमे सुता उप प्रयोभिरा गतम् । इन्द्रवो वामुशन्ति हि ॥ 4 ॥
वाय्विन्द्रश्च चेतथः सुतानां वाजिनीवसू । तावा यातमुप द्रवत् ॥ 5 ॥
वाय्विन्द्रश्च सुन्वत आ यातमुप निष्कृतम् । मृक्ष्वि १ तथा धिया नरा ॥ 6 ॥
मित्रं हुवे पूतदक्षं वरुणं च रिशादसम् । धियं घृताचीं सार्धन्ता ॥ 7 ॥

ऋतेन मित्रावरुणावृतावृतावृतस्पृशा	क्रतुं बृहन्तमाशाथे	॥ 8 ॥
कवी नो मित्रावरुणा तुविजाता उरुक्षया	दक्षं दधाते अपसम्	॥ 9 ॥

(12)

3

(म.1, अनु.1)

ऋषिः मधुच्छन्दाः वैश्वामित्रः	छन्दः गायत्री	देवता अश्विनौ 1-3, इन्द्रः 4-6, विश्वे देवाः 7-9, सरस्वती 10-12
-------------------------------	---------------	--

अश्विना यज्वरीरिषो द्रवत्पाणी शुभस्पती	पुरुभुजा चनस्यतम्	॥ 1 ॥
अश्विना पुरुदंससा नरा शवीरया धिया	धिष्या वनतं गिरः	॥ 2 ॥
दस्रा युवाकवः सुता नासत्या वृक्तर्हिषः	आ यातं रुद्रवर्तनी	॥ 3 ॥
इन्द्रा याहि चित्रभानो सुता इमे त्वायवः	अण्वीभिस्तना पूतासः	॥ 4 ॥
इन्द्रा याहि धियेषितो विप्रजूतः सुतावतः	उप ब्रह्माणि वाघतः	॥ 5 ॥
इन्द्रा याहि तूतजान् उप ब्रह्माणि हरिवः	सुते दधिष्व नश्चनः	॥ 6 ॥
ओमासश्चर्षणीधृतो विश्वे देवास आगत	दाश्वांसो दाशुषः सुतम्	॥ 7 ॥
विश्वे देवासो अमुरः सुतमा गन्त तूर्णयः	उस्रा इव स्वसराणि	॥ 8 ॥
विश्वे देवासो अस्निधु एहिमायासो अद्रुहः	मेधं जुषन्त वह्नयः	॥ 9 ॥
पावका नः सरस्वती वाजेभिर्वाजिनीवती	यज्ञं वष्टु धियावसुः	॥ 10 ॥
चोदयित्री सूनृतानां चेतन्ती सुमतीनाम्	यज्ञं दधे सरस्वती	॥ 11 ॥
महो अर्णः सरस्वती प्र चेतयति केतुना	धियो विश्वा वि राजति	॥ 12 ॥

(10)

4

(म.1, अनु.2)

ऋषिः मधुच्छन्दाः वैश्वामित्रः	छन्दः गायत्री	देवता इन्द्रः
-------------------------------	---------------	---------------

सुरूपकृतुमूतये सुदुर्धामिव गोदुहे	जुहुमसि द्यविद्यवि	॥ 1 ॥
उप नः सवना गहि सोमस्य सोमपाः पिब	गोदा इद्रेवतो मर्दः	॥ 2 ॥
अथा ते अन्तमानां विद्याम सुमतीनाम्	मा नो अतिं ख्य आ गहि	॥ 3 ॥
परैहि विग्रमस्तृतमिन्द्रं पृच्छा विपश्चितम्	यस्ते सखिभ्य आ वरम्	॥ 4 ॥
उत ब्रुवन्तु नो निदो निरन्यतश्चिदारत	दधाना इन्द्र इदुवः	॥ 5 ॥
उत नः सुभगाँ अरिर्वोचेयुर्दस्म कृष्टयः	स्यामेदिन्द्रस्य शर्माणि	॥ 6 ॥

एमाशुमाशवे भर यज्ञश्रियं नृमादनम्	पृत्यन्मन्दयत्सखम्	॥ 7 ॥
अस्य पीत्वा शतक्रतो घनो वृत्राणामभवः	प्रावो वाजेषु वाजिनम्	॥ 8 ॥
तं त्वा वाजेषु वाजिनं वाजयामः शतक्रतो	धनानामिन्द्र सातये	॥ 9 ॥
यो रायोऽवनिर्महान्तसुपारः सुन्वतः सखा	तस्मा इन्द्राय गायत	॥ 10 ॥

(10)

5

(म.1, अनु.2)

ऋषिः मधुच्छन्दाः वैश्वामित्रः	छन्दः गायत्री	देवता इन्द्रः
-------------------------------	---------------	---------------

आ त्वेता निषीदतेन्द्रमभि प्र गायत	सखायुः स्तोमवाहसः	॥ 1 ॥
पुरूतमं पुरूणामीशानं वार्याणाम्	इन्द्रं सोमे सचा सुते	॥ 2 ॥
स घा नो योग् अ भुवत्स राये स पुरंध्याम्	गमद्वाजेभिरा स नः	॥ 3 ॥
यस्य संस्थे न वृण्वते हरीं समत्सु शत्रवः	तस्मा इन्द्राय गायत	॥ 4 ॥
सुतपात्रे सुता इमे शुचयो यन्ति वीतये	सोमासो दध्याशिरः	॥ 5 ॥
त्वं सुतस्य पीतये सद्यो वृद्धो अजायथाः	इन्द्र ज्येष्ठाय सुक्रतो	॥ 6 ॥
आ त्वा विशन्त्वाशवः सोमास इन्द्र गिर्वणः	शं तै सन्तु प्रचेतसे	॥ 7 ॥
त्वां स्तोमा अवीवृधन्त्वामुक्था शतक्रतो	त्वां वर्धन्तु नो गिरः	॥ 8 ॥
अक्षितोतिः सनेदिमं वाजमिन्द्रः सहस्रिणम्	यस्मिन्विश्वानि पौस्या	॥ 9 ॥
मा नो मर्ता अभिद्रुहन्तूननामिन्द्र गिर्वणः	ईशानो यवया वृधम्	॥ 10 ॥

(10)

6

(म.1, अनु.2)

ऋषिः मधुच्छन्दाः वैश्वामित्रः	छन्दः गायत्री	देवता इन्द्रः 1-3,10, मरुतः 4,6,8-9, मरुतः इन्द्रः च 5,7
-------------------------------	---------------	--

युञ्जन्ति ब्रध्मरुषं चरन्तं परितस्थुषः	रोचन्ते रोचना दिवि	॥ 1 ॥
युञ्जन्त्यस्य काम्या हरी विपक्षसा रथे	शोणा धृष्णू नृवाहसा	॥ 2 ॥
केतुं कृण्वन्नकेतवे पेशो मर्या अपेशसे	समुषद्विरजायथाः	॥ 3 ॥
आदहं स्वधामनु पुनर्गर्भत्वमेरिरे	दधाना नाम यज्ञियम्	॥ 4 ॥
वीळु चिदारुजलुभिर्गुहा चिदिन्द्र वह्निभिः	अविन्द उस्त्रिया अनु	॥ 5 ॥
देवयन्तो यथा मतिमच्छा विदद्वसुं गिरः	महामनूषत श्रुतम्	॥ 6 ॥

इन्द्रेण सं हि दृक्षसे संजग्मानो अर्बिभ्युषा	मन्दू समानवर्चसा	॥ 7 ॥
अनवद्यैरभिद्युभिर्मखः सहस्वदर्चति	गुणैरिन्द्रस्य काम्यैः	॥ 8 ॥
अतः परिज्मन्ना गहि दिवो वा रोचनादधि	समस्मिन्नृञ्जते गिरः	॥ 9 ॥
इतो वा सातिमीमहे दिवो वा पार्थिवादधि	इन्द्रं महो वा रजसः	॥ 10 ॥

(10)

7

(म.1, अनु.2)

ऋषिः मधुच्छन्दाः वैश्वामित्रः	छन्दः गायत्री	देवता इन्द्रः
-------------------------------	---------------	---------------

इन्द्रमिद्वाथिनो बृहदिन्द्रमर्केभिरुकिणः	इन्द्रं वाणीरनूषत	॥ 1 ॥
इन्द्र इन्द्रयोः सचा संमिश्रु आ वचोयुजा	इन्द्रो वृज्री हिरण्ययः	॥ 2 ॥
इन्द्रो दीर्घाय चक्षस आ सूर्यो रोहयद्विवि	वि गोभिरद्रिमैरयत्	॥ 3 ॥
इन्द्र वाजेषु नोऽव सहस्रप्रधनेषु च	उग्र उग्राभिरूतिभिः	॥ 4 ॥
इन्द्रं वयं महाधुन इन्द्रमर्भे हवामहे	युजं वृत्रेषु वृज्जिणम्	॥ 5 ॥
स नो वृषन्नमुं चरुं सत्रादावन्नपावृधि	अस्मभ्यमप्रतिष्कृतः	॥ 6 ॥
तुञ्जेतुञ्जे य उत्तरे स्तोमा इन्द्रस्य वृज्जिणः	न विन्धे अस्य सुष्टुतिम्	॥ 7 ॥
वृषा यूथेव वंसंगः कृष्टीरियुत्योजसा	ईशानो अप्रतिष्कृतः	॥ 8 ॥
य एकश्चर्षणीनां वसूनामिरुज्यति	इन्द्रः पञ्च क्षितीनाम्	॥ 9 ॥
इन्द्रं वो विश्वतस्परि हवामहे जनेभ्यः	अस्माकमस्तु केवलः	॥ 10 ॥

(10)

8

(म.1, अनु.3)

ऋषिः मधुच्छन्दाः वैश्वामित्रः	छन्दः गायत्री	देवता इन्द्रः
-------------------------------	---------------	---------------

एन्द्रं सानसिं रयिं सजित्वानं सदासहम्	वर्षिष्ठमूतये भर	॥ 1 ॥
नि येन मुष्टिहत्यया नि वृत्रा रुणधामहै	त्वोतासो न्यर्वता	॥ 2 ॥
इन्द्र त्वोतास आ वयं वज्रं घना ददीमहि	जयेम सं युधि स्पृधः	॥ 3 ॥
वयं शूरेभिरस्तृभिरिन्द्र त्वया युजा वयम्	सासह्याम पृतन्यतः	॥ 4 ॥
महाँ इन्द्रः प्रश्च नु महित्वमस्तु वृज्जिणे	द्यौर्न प्रथिना शवः	॥ 5 ॥
समोहे वा य आशत नरस्तोकस्य सनितौ	विप्रासो वा धियायवः	॥ 6 ॥

यः कुक्षिः सोमपातमः समुद्रइव् पिन्वते	उर्वीरापो न काकुदः	॥ 7 ॥
एवा ह्यस्य सूनुतां विरुषी गोमती म्ही	पक्का शाखा न दाशुषे	॥ 8 ॥
एवा हि ते विभूतय ऊतय इन्द्र मावते	सद्यश्चित्सन्ति दाशुषे	॥ 9 ॥
एवा ह्यस्य काम्या स्तोम उक्थं च शंस्या	इन्द्राय सोमपीतये	॥ 10 ॥

(10)

9

(म.1, अनु.3)

ऋषिः मधुच्छन्दाः वैश्वामित्रः	छन्दः गायत्री	देवता इन्द्रः
-------------------------------	---------------	---------------

इन्द्रेहि मत्स्यन्धसो विश्वेभिः सोमपर्वभिः	म्हाँ अभिष्टिरोजसा	॥ 1 ॥
एमैनं सृजता सुते मन्दिमिन्द्राय मन्दिने	चक्रिं विश्वानि चक्रये	॥ 2 ॥
मत्स्वा सुशिप्र मन्दिभिः स्तोमैर्भिर्विश्वचर्षणे	सचेषु सर्वनेष्वा	॥ 3 ॥
असृग्रमिन्द्र ते गिरः प्रति त्वामुदहासत	अजोषा वृषभं पतिम्	॥ 4 ॥
सं चौदय चित्रमर्वाग्राध इन्द्र वरेण्यम्	असदित्तै विभु प्रभु	॥ 5 ॥
अस्मान्सु तत्र चोदयेन्द्र राये रभस्वतः	तुविद्युम्न यशस्वतः	॥ 6 ॥
सं गोमदिन्द्र वाजवदस्मे पृथु श्रवो बृहत्	विश्वायुर्धेह्यक्षितम्	॥ 7 ॥
अस्मे धेहि श्रवो बृहद्दुम्नं सहस्रसार्तमम्	इन्द्र ता रथिनीरिषः	॥ 8 ॥
वसोरिन्द्रं वसुपतिं गीर्भिर्गृणन्तं ऋग्मियम्	होम गन्तारमूतये	॥ 9 ॥
सुतेसुते न्योकसे बृहद्बृहत एदुरिः	इन्द्राय शूषमर्चति	॥ 10 ॥

(12)

10

(म.1, अनु.3)

ऋषिः मधुच्छन्दाः वैश्वामित्रः	छन्दः अनुष्टुप्	देवता इन्द्रः
-------------------------------	-----------------	---------------

गारयन्ति त्वा गायत्रिणोऽर्चन्त्यर्कमूर्किणः	ब्रह्माणस्त्वा शतक्रतु उद्वंशमिव येमिरे	॥ 1 ॥
यत्सानोः सानुमारुहद्भूर्यस्पष्ट कर्त्वीम्	तदिन्द्रो अर्थं चेतति यूथेन वृष्णिरैजति	॥ 2 ॥
युक्ष्वा हि केशिना हरी वृषणा कक्ष्यप्रा	अथा न इन्द्र सोमपा गिरामुपश्रुतिं चर	॥ 3 ॥
एहि स्तोमाँ अभिस्वराभि गृणीह्या रुव	ब्रह्म च नो वसो सचेन्द्र यज्ञं च वर्धय	॥ 4 ॥
उक्थमिन्द्राय शंस्यं वर्धनं पुरुनिषिधे	शक्रो यथा सुतेषु णो रारणत्सख्येषु च	॥ 5 ॥
तमित्सखित्व ईमहे तं राये तं सुवीर्ये	स शक्र उत नः शक्रदिन्द्रो वसु दर्यमानः	॥ 6 ॥

सुविवृतं सुनिरज्मिन्द्र त्वादातमिद्यशः । गवामपं व्रजं वृधि कृणुष्व राधो अद्रिवः ॥ 7 ॥
 नहि त्वा रोदसी उभे ऋघायमाणमिन्वतः । जेषुः स्वर्वतीरपः सं गा अस्मभ्यं धूनुहि ॥ 8 ॥
 आश्रुत्कर्णं श्रुधी हवं नूचिद्वधिष्व मे गिरः । इन्द्र स्तोममिमं मम कृष्वा युजश्चिदन्तरम् ॥ 9 ॥
 विद्वा हि त्वा वृषन्तमं वाजेषु हवनश्रुतम् । वृषन्तमस्य हूमह ऊतिं सहस्रसार्तमाम् ॥ 10 ॥
 आ तू न इन्द्र कौशिक मन्दसानः सुतं पिब । नव्यमायुः प्र सू तिर कृधी सहस्रसामृषिम् ॥ 11 ॥
 परिं त्वा गिर्वणो गिर इमा भवन्तु विश्वतः । वृद्धायुमनु वृद्धयो जुष्टा भवन्तु जुष्टयः ॥ 12 ॥

(8)

11

(म.1, अनु. 3)

ऋषिः जेता माधुच्छन्दसः

छन्दः अनुष्टुप्

देवता इन्द्रः

इन्द्रं विश्वा अवीवृधन्त्समुद्रव्यचसं गिरः । रथीतमं रथीनां वाजानां सत्पतिं पतिम् ॥ 1 ॥
 सख्ये तं इन्द्र वाजिनो मा भैम शवसस्पते । त्वामभि प्रणोनुमो जेतारमपराजितम् ॥ 2 ॥
 पूर्वोरिन्द्रस्य रातयो न वि दस्यन्त्यूतयः । यदी वाजस्य गोमतः स्तोतृभ्यो मंहते मघम् ॥ 3 ॥
 पुरां भिन्दुर्युवा कविरमितौजा अजायत । इन्द्रो विश्वस्य कर्मणो धर्ता वृज्री पुरुष्टुतः ॥ 4 ॥
 त्वं वलस्य गोमतोऽपावरद्विवो बिलम् । त्वां देवा अबिभ्युषस्तुज्यमानास आविषुः ॥ 5 ॥
 त्वाहं शूर रातिभिः प्रत्यायं सिन्धुमावदन् । उपातिष्ठन्त गिर्वणो विदुष्टे तस्य कारवः ॥ 6 ॥
 मायाभिरिन्द्र मायिनं त्वं शुष्णमवातिरः । विदुष्टे तस्य मेधिरास्तेषां श्रवांस्युत्तिर ॥ 7 ॥
 इन्द्रमीशानमोजसाभि स्तोमा अनूषत । सहस्रं यस्य रातय उत वा सन्ति भूर्यसीः ॥ 8 ॥

(12)

12

(म.1, अनु.4)

ऋषिः मेधातिथिः काण्वः

छन्दः गायत्री

देवता अग्निः

अग्निं दूतं वृणीमहे होतारं विश्ववेदसम् । अस्य यज्ञस्य सुक्रतुम् ॥ 1 ॥
 अग्निमग्निं हवीमभिः सदा हवन्त विश्वपतिम् । हव्यवाहं पुरुप्रियम् ॥ 2 ॥
 अग्ने देवा इहावह जज्ञानो वृक्तर्बहिषे । असि होता न ईड्यः ॥ 3 ॥
 तां उशतो वि बोधय यदग्ने यासि दूत्यम् । देवैरासत्सि बर्हिषि ॥ 4 ॥
 घृताहवन दीदिवः प्रति ष्म रिषतो दह । अग्ने त्वं रक्षस्विनः ॥ 5 ॥
 अग्निनाग्निः समिध्यते क्विर्गृहपतिर्युवा । हव्यवाड् जुहास्यः ॥ 6 ॥

क्विमग्निमुपस्तुहि सृत्यधर्माणमध्वरे	देवममीव्चातनम्	॥ 7 ॥
यस्त्वामग्ने हविष्पतिर्दूतं देव सपर्यति	तस्य स्म प्राविता भव	॥ 8 ॥
यो अग्निं देववीतये हविष्माँ आविवांसति	तस्मै पावक मृळ्य	॥ 9 ॥
स नः पावक दीदिवोऽग्ने देवाँ इहा वह	उप यज्ञं हविश्च नः	॥ 10 ॥
स नः स्तवान् आ भर गायत्रेण नवीयसा	रयिं वीरवतीमिषम्	॥ 11 ॥
अग्ने शुक्रेण शोचिषा विश्वाभिर्देवहृतिभिः	इमं स्तोमं जुषस्व नः	॥ 12 ॥

(12)

13

(म.1, अनु. 4)

ऋषिः मेधातिथिः काण्वः छन्दः गायत्री देवता इध्मः समिद्धः वा अग्निः 1, तनूनपात् 2, नराशंसः 3,
 इळः 4, बर्हिः 5, देवीद्वारः 6, उषासानक्ता 7, दैव्यौ होतारौ प्रचेतसौ 8,
 तिस्रः देव्यः सरस्वतीळाभारत्यः 9, त्वष्टा 10, वनस्पतिः 11, स्वाहाकृतयः 12

सुसमिद्धो न आवह देवाँ अग्ने हविष्मते	होतः पावक यक्षि च	॥ 1 ॥
मधुमन्तं तनूनपाद्यज्ञं देवेषु नः कवे	अद्या कृणुहि वीतये	॥ 2 ॥
नराशंसमिह प्रियमस्मिन्यज्ञ उपह्वये	मधुजिह्वं हविष्कृतम्	॥ 3 ॥
अग्ने सुखतमे रथे देवाँ ईळित आ वह	असि होता मनुहितः	॥ 4 ॥
स्तृणीत बर्हिरानुषगधृतपृष्ठं मनीषिणः	यत्रामृतस्य चक्षणम्	॥ 5 ॥
विश्रयन्तामृतावृधो द्वारो देवीरसुश्रतः	अद्या नूनं च यष्टवे	॥ 6 ॥
नक्तोषासा सुपेशसाऽस्मिन्यज्ञ उप ह्वये	इदं नो बर्हिरासदे	॥ 7 ॥
ता सुजिह्वा उपह्वये होतारा दैव्या कवी	यज्ञं नो यक्षतामिमम्	॥ 8 ॥
इळा सरस्वती मही तिस्रो देवीर्मयोभुवः	बर्हिः सीदन्त्वस्त्रिधः	॥ 9 ॥
इह त्वष्टारमग्रियं विश्वरूपमुप ह्वये	अस्माकमस्तु केवलः	॥ 10 ॥
अव सृजा वनस्पते देव देवेभ्यो हविः	प्र दातुरस्तु चेतनम्	॥ 11 ॥
स्वाहा यज्ञं कृणोतनेन्द्राय यज्वनो गृहे	तत्र देवाँ उप ह्वये	॥ 12 ॥

(12)

14

(म.1, अनु. 4)

ऋषिः मेधातिथिः काण्वः	छन्दः गायत्री	देवता विश्वे देवाः
-----------------------	---------------	--------------------

ऐभिरग्रे दुवो गिरो विश्वेभिः सोमपीतये	देवेभिर्याहि यक्षि च	॥ 1 ॥
आ त्वा कर्णा अहूषत गृणन्ति विप्र ते धियः। देवेभिरग्र आ गहि		॥ 2 ॥
इन्द्रवायू बृहस्पतिं मित्राग्निं पूषणं भगम्	आदित्यान्मारुतं गणम्	॥ 3 ॥
प्र वो भ्रियन्त इन्दवो मत्सुरा मादयिष्णवः	द्रप्सा मध्वश्चमूषदः	॥ 4 ॥
ईळते त्वामवस्यवः कर्णासो वृक्तबर्हिषः	हविष्मन्तो अरुकृतः	॥ 5 ॥
घृतपृष्ठा मनोयुजो ये त्वा वहन्ति वह्नयः	आ देवान्तसोमपीतये	॥ 6 ॥
तान्यजत्राँ ऋतावृधोऽग्रे पत्नीवतस्कृधि	मध्वः सुजिह्व पायय	॥ 7 ॥
ये यजत्रा य ईड्यास्ते ते पिबन्तु जिह्वया	मधोरग्रे वर्षद्वृति	॥ 8 ॥
आर्का सूर्यस्य रोचनाद्विश्वान्देवाँ उषर्बुधः	विप्रो होतेह वक्षति	॥ 9 ॥
विश्वेभिः सोम्यं मध्वग्र इन्द्रेण वायुना	पिबा मित्रस्य धामभिः	॥ 10 ॥
त्वं होता मनुर्हितोऽग्रे यज्ञेषु सीदसि	सेमं नो अध्वरं यज	॥ 11 ॥
युक्ष्वा ह्यरुषी रथे हरितो देव रोहितः	ताभिर्देवाँ इहा वह	॥ 12 ॥

(12)

15

(म.1, अनु. 4.)

ऋषिः मेधातिथिः काण्वः	छन्दः गायत्री	देवता इन्द्रः 1,5, मरुतः 2, त्वष्टा 3, अग्निः 4,12,
मित्रावरुणौ 6, द्रविणोदाः 7-10, अश्विनौ 11		

इन्द्र सोमं पिबं ऋतुना त्वा विशन्तिवन्दवः	मत्सुरासस्तदौकसः	॥ 1 ॥
मरुतः पिबत ऋतुना पोत्राद्यज्ञं पुनीतन	यूयं हि ष्ठा सुदानवः	॥ 2 ॥
अभि यज्ञं गृणीहि नो ग्रावो नेष्टः पिबं ऋतुना	त्वं हि रत्नधा असि	॥ 3 ॥
अग्रे देवाँ इहा वह सादया योनिषु त्रिषु	परि भूष पिबं ऋतुना	॥ 4 ॥
ब्राह्मणादिन्द्र राधसः पिबा सोममृतूरनु	तवेद्धि सुख्यमस्तृतम्	॥ 5 ॥
युवं दक्षं धृतव्रत मित्रावरुण दूळभम्	ऋतुना यज्ञमाशाथे	॥ 6 ॥
द्रविणोदा द्रविणसो ग्रावहस्तासो अध्वरे	यज्ञेषु देवमीळते	॥ 7 ॥
द्रविणोदा ददातु नो वसूनि यानि शृण्विरे	देवेषु ता वनामहे	॥ 8 ॥
द्रविणोदाः पिपीषति जुहोत् प्र च तिष्ठत	नेष्ट्रादृतुभिरिष्यत	॥ 9 ॥

यत्त्वा तुरीयमृतुभिर्द्रविणोदो यजामहे	अर्धं स्मा नो दुर्दिर्भव	॥ 10 ॥
अश्विना पिबन्तं मधु दीर्घग्री शुचित्रता	ऋतुना यज्ञवाहसा	॥ 11 ॥
गार्हपत्येन सन्त्य ऋतुना यज्ञनीरसि	देवान्देवयुते यज	॥ 12 ॥

(9)

16

(म.1, अनु. 4)

ऋषिः मेधातिथिः काण्वः	छन्दः गायत्री	देवता इन्द्रः
आ त्वा वहन्तु हरयो वृषणं सोमपीतये	इन्द्रं त्वा सूरचक्षसः	॥ 1 ॥
इमा धाना घृतस्त्रुवो हरी इहोपवक्षतः	इन्द्रं सुखर्तमे रथे	॥ 2 ॥
इन्द्रं प्रातर्हवामह इन्द्रं प्रयत्यध्वरे	इन्द्रं सोमस्य पीतये	॥ 3 ॥
उप नः सुतमा गहि हरिभिरिन्द्र केशिभिः	सुते हि त्वा हवामहे	॥ 4 ॥
सेमं नः स्तोममा गृह्युपेदं सर्वनं सुतम्	गौरो न तृषितः पिब	॥ 5 ॥
इमे सोमासु इन्द्रवः सुतासो अर्धि बर्हिषि	तां इन्द्र सहसे पिब	॥ 6 ॥
अयं ते स्तोमो अग्रियो हृदिस्पृगस्तु शन्तमः	अथा सोमं सुतं पिब	॥ 7 ॥
विश्वमित्सर्वनं सुतमिन्द्रो मदाय गच्छति	वृत्रहा सोमपीतये	॥ 8 ॥
सेमं नः काममा पृण गोभिरश्वैः शतक्रतो	स्त्वाम त्वा स्वाध्यः	॥ 9 ॥

(9)

17

(म.1, अनु. 4)

ऋषिः मेधातिथिः काण्वः	छन्दः गायत्री 1-3,6-9, पादनिचृत् 4-5	देवता इन्द्रावरुणौ
इन्द्रावरुणयोरहं समाजोरव आ वृणे	ता नो मृळात ईदृशे	॥ 1 ॥
गन्तारा हि स्थोऽवसे हवं विप्रस्यु मावतः	धर्तारा चर्षणीनाम्	॥ 2 ॥
अनुकामं तर्पयेथामिन्द्रावरुण राय आ	ता वां नेदिष्ठमीमहे	॥ 3 ॥
युवाकु हि शचीनां युवाकु सुमतीनाम्	भूयाम वाजदात्राम्	॥ 4 ॥
इन्द्रः सहस्रदात्रां वरुणः शंस्यानाम्	क्रतुर्भवत्युक्थ्यः	॥ 5 ॥
तयोरिदवसा वयं सनेम नि च धीमहि	स्यादुत प्ररेचनम्	॥ 6 ॥
इन्द्रावरुण वामहं हुवे चित्राय राधसे	अस्मान्तसु जिग्युषस्कृतम्	॥ 7 ॥
इन्द्रावरुण नू नु वां सिषासन्तीषु धीष्वा	अस्मभ्यं शर्म यच्छतम्	॥ 8 ॥
प्र वामश्रोतु सुष्टुतिरिन्द्रावरुण यां हुवे	यामृधार्थे सधस्तुतिम्	॥ 9 ॥

(9)

18

(म.1, अनु. 5)

ऋषिः मेधातिथिः काण्वः	छन्दः गायत्री	देवता ब्रह्मणस्पतिः 1-3 ब्रह्मणस्पतिः
इन्द्रः सोमः च 4, ब्रह्मणस्पतिः दक्षिणा इन्द्रः सोमः च 5,	सदसस्पतिः 6-8,	सदसस्पतिः नराशंसः वा 9

सोमानं स्वरणं कृणुहि ब्रह्मणस्पते	कक्षीवन्तं य औंशिजः	॥ 1 ॥
यो रेवान्यो अमीवहा वसुवित्पुष्टिवर्धनः	स नः सिषक्तु यस्तुरः	॥ 2 ॥
मा नः शंसो अररुषो धूर्तिः प्रणङ्घत्यस्य	रक्षा णो ब्रह्मणस्पते	॥ 3 ॥
स घा वीरो न रिष्यति यमिन्द्रो ब्रह्मणस्पतिः	सोमो हिनोति मर्त्यम्	॥ 4 ॥
त्वं तं ब्रह्मणस्पते सोम इन्द्रश्च मर्त्यम्	दक्षिणा पात्वंहसः	॥ 5 ॥
सदसस्पतिमद्भुतं प्रियमिन्द्रस्य काम्यम्	सनि मेधामयासिषम्	॥ 6 ॥
यस्मादृते न सिध्यति यज्ञो विपश्चितश्चन	स धीनां योगमिन्वति	॥ 7 ॥
आदधोति हविष्कृतिं प्राञ्च कृणोत्यध्वरम्	होत्रा देवेषु गच्छति	॥ 8 ॥
नराशंसं सुधृष्टममपश्यं सप्रथस्तमम्	दिवो न सद्मखसम्	॥ 9 ॥

(9)

19

(म.1, अनु. 5)

ऋषिः मेधातिथिः काण्वः	छन्दः गायत्री	देवता अग्निः मरुतः च
-----------------------	---------------	----------------------

प्रति त्वं चारुमध्वरं गोपीथाय प्र हूयसे	मरुद्धिरग्र आ गहि	॥ 1 ॥
नहि देवो न मर्त्यो महस्तव क्रतुं परः	मरुद्धिरग्र आ गहि	॥ 2 ॥
ये महो रजसो विदुर्विश्वे देवासो अद्भुतः	मरुद्धिरग्र आ गहि	॥ 3 ॥
य उग्रा अर्कमानचुरनाधृष्टासु ओजसा	मरुद्धिरग्र आ गहि	॥ 4 ॥
ये शुभ्रा घोरवर्षसः सुक्षत्रासो रिशादसः	मरुद्धिरग्र आ गहि	॥ 5 ॥
ये नाकस्याधि रोचने दिवि देवासु आसते	मरुद्धिरग्र आ गहि	॥ 6 ॥
य ईङ्घ्र्यन्ति पर्वतान् तिरः समुद्रमर्णवम्	मरुद्धिरग्र आ गहि	॥ 7 ॥
आ ये तन्वन्ति रश्मिभिस्तिरः समुद्रमोजसा	मरुद्धिरग्र आ गहि	॥ 8 ॥
अभि त्वा पूर्वपीतये सृजामि सोम्यं मधु	मरुद्धिरग्र आ गहि	॥ 9 ॥

| इति प्रथमाष्टके प्रथमोऽध्यायः समाप्तः ।